

## Nofo hauni mo te Omicron

E iei na mea e mafai ke fai e koe ke nofo hauni ai koe ma to kāiga ki te pa mai o te Omicron ki te komiuniti.

Ko te nofo hauni ko tona uiga kua kamata au talatalanoaga ma au hokotaga ma iētahi tino, kua ke iloa foki pe heā ta koe e fai.

Kafai ko koe kua maua ite COVID-19, ko koe e tatau ke nofo i te fale ma hē toe iei hau hokotaga ma iētahi tino, e aofia ai o kāiga. Ko tau peleni e tatau ke aofia ai na mea veia ko:

- **Ko ai te mafai ke maua ai ho fehoahoani ki te faiga o au fakatau?** Kikila ki he tino e mafai ke fehoahoani atu.
- **E iei he tino i to fale e manakomia ni iētahi fehoahoaniga?** Fakatatia he peleni ma kilatou e tauhi e kilatou na tino i loto ona kāiga, ma na fekuikuiakiga e fai kafai e iei ni tamaiti e eva i te va o ni matua e hē nonofo fakatahi.
- **E vēhea ona faigaluega koe pe fakaauau au ākoakoga?** Talanoa ki tau galuega ma na aoga mo ni peleni ke mafai ai koe ke galue mai te fale ma fai au mea aoga mai te fale.
- **Fakailoa ki na tino ko koe e nofo kehe/puipuia - he mea tatau te fai o ni au pepa ke fakailoa ai te tulaga e iei ai koe ma te koutou kāiga ke fakapipiki ki te faitotoka o to fale, ma tuku atu foki na QR Codes mo kilatou e oatu oi kavatu na mea ki to fale.**
- **E vēhea kafai ko koe kua tauale tigaina ma kua manakomia ke fano ki te falemai?** Tuhi ki lalo he lihi ona mea e tatau ke fai ke mulimuli ki ei te tino e ia taukikilā kafai koe kua kave ki te falemai, e vēia ko te taukikilaga o na manu fagaigai, lakau ma te totogiga o na pili.

He mea tatau te hauni o ni au mea i te fale, e vĕia ko na fualakau ma na meakai, ma he lihi o na fakamaumauga o na tino o to kĀiga. E i loto ai na o latou igoa, tauhaga, na numela o te falemai (NHI), na tauale o kilatou, hapalai ma na fualakau e inu e te tino. Ka fehoahoani ienei fakamaumauga ki te kau faigaluega a te ola mālōlō ke kilatou iloa ai pe ko ai te nonofo i te koutou fale.

E tatau foki ke tuhi ki lalo na numela e tatau ke vili kafai e iei he fakalavelave fakafuaheki vĕia ko te numela o te koutou fomai kĀiga, na fomai e tatala ina po ma na matāeke e maua ai na fehoahoani. Tauloto ma fakailoa tau peleni ki na tino e nonofo koutou, ke iloa uma ai pe ni fehoahoaniga vĕhea te fai kafai kua maua he tino i te famai ma kua manakomia te nofo kehe/puipuia.

**Ko kitatou e iei fakatahi. Nonofo haogalĕmu, na he motu na hokotaga ma iĕtahi tino, ma fakamalohia a koutou pele ke fai ni a latou peleni.**